

## **Berusaha Mencapai Kesempurnaan**

Peribadi yang bertanggung jawab berusaha mencapai kesempurnaan. Ia memberikan hasil yang terbaik, berusaha seratus peratus, bekerja keras dan rajin. Orang yang bertanggung jawab melakukan yang terbaik dengan apa yang dimiliki, dan bangga dengan apa pun yang dilakukan meskipun kekurangan tenaga dan masa.

Pada zaman "apa pun boleh" menjadi standard kehidupan, berusaha mencapai kesempurnaan dilihat melawan arus. Namun, ada hal yang sungguh istimewa dan memuaskan ketika kita melakukan hal yang terbaik. Ibu bapa khawatir tentang rasa percaya diri anaknya dan mendengarkan semua kaedah "ahli" yang diajukan tentang cara membangunkan kepercayaan diri pada anak. Akan tetapi, ibu bapa sering lupa kaedah yang telah diuji dan terbukti, iaitu selalu berusaha mencapai kesempurnaan; inilah kaedah yang mempertingkatkan kepuasan orang akan dirinya sendiri saat berjaya melakukan pekerjaan dengan baik.

Ibu bapa harus menyokong, mendorong setiap usaha, dan "menghibur" ketika segala sesuatu tidak berjalan dengan baik, serta memuji hasil positif. Penerapan kaedah ini membentuk remaja yang mempunyai rasa percaya diri yang tinggi untuk melakukan tugas apa pun yang mungkin dihadapi.



*Kejayaan pasti datang apabila hidup dirancang dengan baik dan berusaha mencapai kesempurnaan.*